

## ՀԱՅՏԱՐԱՐՈՒԹՅՈՒՆ

### **Հայաստանի Հանրապետության կենտրոնական բանկի համար բանկում շահագործվող ծրագրային ապահովման ուղեկցման արտոնագրեր ձեռքբերելու նպատակով կազմակերպության ընտրության հրապարակային մրցույթ կազմակերպելու մասին**

Հայաստանի Հանրապետության կենտրոնական բանկը կազմակերպում է հրապարակային մրցույթ՝ ՀՀ կենտրոնական բանկի համար բանկում շահագործվող ծրագրային ապահովման ուղեկցման արտոնագրեր ձեռքբերելու նպատակով կազմակերպություն ընտրելու համար:

Մրցույթին կարող են մասնակցել Հայաստանի Հանրապետության և օտարերկրյա իրավաբանական և ֆիզիկական անձինք, որոնք բավարարում են սույն հայտարարությամբ և հրավերով սահմանված որակավորման չափանիշներին, ունեն գնման պայմանագրով նախատեսված պարտավորությունների կատարման համար պահանջվող իրավունք, տեխնիկական և ֆինանսական միջոցներ:

Մրցույթին մասնակցել ցանկացող անձինք պետք է բավարարեն հետևյալ պահանջներին՝

Մասնակիցը պետք է ունենա պայմանագրով նախատեսված պարտավորությունների կատարման համար հրավերով պահանջվող՝

- 1) մասնագիտական գործունեության համապատասխանություն պայմանագրով նախատեսված գործունեությանը.
- 2) մասնագիտական փորձառություն.
- 3) ֆինանսական միջոցներ.
- 4) աշխատանքային ռեսուրսներ:

Հայտերն անհրաժեշտ է ներկայացնել թղթային ձևով, Հայաստանի Հանրապետություն կենտրոնական բանկ՝ ք. Երևան 0010, Վազգեն Սարգսյանի փողոց 6 հասցեով:

Մասնակիցները կարող են իրենց հայտերը ներկայացնել մինչև 2019թ. նոյեմբերի 18-ի ժամը 16:00 «Հայաստանի Հանրապետության կենտրոնական բանկ» ք. Երևան 0010, Վազգեն Սարգսյանի փողոց 6 հասցեով:

Հայտերի բացման նիստը անց է կացվելու ՀՀ կենտրոնական բանկում՝ ք. Երևան 0010, Վազգեն Սարգսյանի փողոց 6 հասցեով, 2019թ. նոյեմբերի 21-ին ժամը 16:00:

Մրցույթի արդյունքների ամփոփման նիստը հրավիրվում է 2019թ. նոյեմբերի 28-ին ժամը 16:00:

Մրցույթին մասնակցելու հրավերը հրապարակված է Հայաստանի Հանրապետության կենտրոնական բանկի ինտերնետային WEB կայքում ([www.cba.am](http://www.cba.am)): Մրցույթին մասնակցելու հրավերը, ինչպես նաև լրացուցիչ տեղեկություններ ստանալու համար ցանկացողները կարող են դիմել Հայաստանի Հանրապետության կենտրոնական բանկի Ներքին ծառայությունների վարչություն, մրցութային հանձնաժողովի քարտուղար՝ հեռ. 59-28-02, 59-28-05 ներքին՝ 18-02, 18-05:

Մրցույթին մասնակցելու հրավերի թղթային տարբերակը ստանալու համար ցանկացողները կարող են դիմել Հայաստանի Հանրապետության կենտրոնական բանկ՝ ք. Երևան 0010, Վազգեն Սարգսյանի փողոց 6 հասցեով:

**Հայաստանի Հանրապետության կենտրոնական բանկի համար բանկում շահագործվող ծրագրային ապահովման ուղեկցման արտոնագրեր ձեռքբերելու նպատակով կազմակերպության ընտրության հրապարակային մրցույթի**

**ՀՐԱՎԵՐ**

**1. ՄՐՑՈՒՅԹԻ ԱՆՑԿԱՑՄԱՆ ՆՊԱՏԱԿԸ**

1.1 Սույն մրցույթն անց է կացվում Հայաստանի Հանրապետության կենտրոնական բանկի համար բանկում շահագործվող ծրագրային ապահովման ուղեկցման արտոնագրեր ձեռքբերելու նպատակով կազմակերպություն ընտրելու համար սույն Հրավերին և կից Հավելվածում նշված պայմաններին համաձայն:

1.2 Հայաստանի Հանրապետության կենտրոնական բանկը (այսուհետ՝ Կազմակերպիչը) մրցույթի հաղթողի հետ կնքում է համապատասխան Պայմանագիր, որով մրցույթի հաղթողը պարտավորվում է մատակարարել բանկում շահագործվող ծրագրային ապահովման ուղեկցման արտոնագրեր՝ համաձայն իր մրցույթային առաջարկի և Պայմանագրում ամրագրված պայմանների:

1.3 Գնման առարկա է հանդիսանում ՀՀ կենտրոնական բանկի համար բանկում շահագործվող ծրագրային ապահովման ուղեկցման արտոնագրերը:

1.4 Արտոնագրերի բնութագրերը ներկայացված են սույն Հրավերին կից Հավելված 1-ով:

**2. ՄՐՑՈՒՅԹԻ ՀԱՅՏԵՐԻ ՊԱՏՐԱՍՏՄԱՆ ԿԱՐԳԸ**

2.1 Մրցույթին մասնակցելու համար Մասնակիցը Կազմակերպչին ներկայացնում է մրցույթի հայտ: Մրցույթի հայտը սույն հրավերի հիման վրա մասնակցի կողմից ներկայացվող առաջարկն է: Մասնակցի հայտը կարող է պարունակել առաջարկ ինչպես բոլոր լոտերի, այնպես էլ յուրաքանչյուր, իր կողմից ընտրված լոտի համար:

2.2 Մասնակիցը չի կարող նույն մրցույթին ներկայացնել մեկից ավելի հայտ, բացառությամբ սույն Հրավերի 5-րդ գլխով նախատեսված՝ հայտի փոփոխում ներկայացնելու դեպքի:

2.3 Մրցույթի հայտով ներկայացվող տեղեկությունները և փաստաթղթերը ներկայացվում են երկու փակ և սոսնձված ծրարներում: Ծրարները և մասնակցի կողմից կազմված փաստաթղթերը ստորագրում է դրանք ներկայացնող անձը կամ վերջինիս կողմից լիազորված անձը (այսուհետ՝ գործակալ):

2.4 Մրցույթի հայտի առաջին ծրարով ներկայացվում են միայն պայմանագրի կնքման նպատակով առաջարկվող պայմանները (մասնակցի կողմից ներկայացվող առաջարկը):

Մրցույթի հայտի առաջին ծրարի վրա կատարվում են հետևյալ գրառումները.

1. «ՀՀ կենտրոնական բանկ, ք. Երևան, Վ. Սարգսյան 6» բառերը.
2. «Ծրագրային ապահովման ուղեկցման արտոնագրեր» բառերը.
3. «ՄՐՑՈՒՅԹԻ ՊԱՅՄԱՆՆԵՐ» բառերը.
4. «ԶԲԱՑԵԼ ՄԻՆՉԵՎ ՄՐՑՈՒՅԹԻ ՀԱՅՏԵՐԻ ԲԱՑՄԱՆ ՆԻՍՏԸ» բառերը.
5. մասնակցի անվանումը, գտնվելու վայրը և հեռախոսահամարը:

2.5 Առաջին ծրարը պետք է պարունակի հետևյալ տվյալները՝

1. Մասնակցի կողմից ներկայացվող փաստաթղթերի ցանկ:
2. Արտոնագրերի համար առաջարկվող գինը: Գինը պետք է լինի ոչ գործոնային և ներառի բոլոր ծախսերը:
3. Վճարման կարգը, փուլերը և ժամանակացույցը:
4. Պայմանագրի կնքման համար այլ անհրաժեշտ տեղեկություններ,

2.6 Մրցույթի հայտի երկրորդ ծրարի վրա կատարվում են հետևյալ գրառումները.

1. «**ՀՀ կենտրոնական բանկ, ք. Երևան, Վ. Սարգսյան 6**» բառերը.
2. «**Ծրագրային ապահովման ուղեկցման արտոնագրեր**» բառերը.
3. «**ԶԲԱՑԵԼ ՄԻՆՉԵՎ ՄՐՑՈՒՅԹԻ ՀԱՅՏԵՐԻ ԲԱՅՄԱՆ ՆԻՍՏԸ**» բառերը.
4. մասնակցի անվանումը, գտնվելու վայրը և հեռախոսահամարը:

2.7 Երկրորդ ծրարը պետք է պարունակի հետևյալ տվյալները՝

1. Մասնակցի կողմից ներկայացվող փաստաթղթերի ցանկ:
2. Տեղեկանք համապատասխան հարկային տեսչությունից գործունեության վերջին ժամանակահատվածում և տվյալ պահին մասնակցի՝ ՀՀ պետական բյուջեի նկատմամբ ունեցած պարտավորությունների վերաբերյալ,
3. Մասնակցի պետական ռեգիստրի կողմից տրված վկայականի պատճեն,
4. Իր իսկ կողմից հաստատված՝ ստորագրված և կնքված Հայտարարություն այն մասին, որ մասնակիցը համապատասխանում է սույն Հրավերի 6-րդ հոդվածի պահանջներին,
5. Նախավճարը հավաստող փաստաթղթի առկայություն (սույն հրավերի 7-րդ կետ),
6. 2018թ.-ի հարկային տեսչություն ներկայացվող ֆինանսական հաշվետվությունների ամբողջական փաթեթը, (իսկ վերջինիս բացակայության դեպքում՝ ֆինանսական վիճակի մասին հաշվետվություն, համապարփակ ֆինանսական արդյունքների մասին հաշվետվություն կամ շահույթ/վնասի հաշվետվություն, սեփական կապիտալի շարժի մասին հաշվետվություն, դրամական միջոցների հոսքերի մասին հաշվետվություն):

### **3. ՄՐՑՈՒՅԹԻ ՀԱՅՏԵՐԻ ՆԵՐԿԱՅԱՑՄԱՆ ՊԱՅՄԱՆՆԵՐԸ**

3.1 Մրցույթի հայտերն անհրաժեշտ է ներկայացնել Կազմակերպչին առձեռն կամ փոստային ծառայության միջոցով՝ պատվիրված նամակով: Ներկայացված մրցույթի հայտերն ընդունում է Հայաստանի Հանրապետության կենտրոնական բանկի աշխատակազմի փաստաթղթերի շրջանառության բաժինը:

3.2 Մասնակցի պահանջով մասնակցին տրամադրվում է ՀՀ կենտրոնական բանկի աշխատակազմի փաստաթղթերի շրջանառության բաժնի կողմից ստորագրված և կնքված համապատասխան տեղեկանք՝ մրցույթի հայտն ընդունելու մասին, որում նշվում է՝ մասնակցի անվանումը (մասնակցի ցանկությամբ ծածկանունը), հայտի ընդունման տարին, ամիսը, ամսաթիվը, ժամը, հայտը ընդունող աշխատակցի անունը, ազգանունը և պաշտոնը: Մրցութային հայտը պատվիրած նամակով ուղարկելու դեպքում ՀՀ կենտրոնական բանկի աշխատակազմի փաստաթղթերի շրջանառության բաժնի կողմից ստորագրված և կնքված համապատասխան տեղեկանքը մրցույթի մասնակցին ուղարկվում է նամակով կամ ֆաքսով:

3.3 Մրցույթի Կազմակերպիչը պատասխանատվություն չի կրում փոստով ուղարկված մրցույթի հայտերի՝ վերջնական ժամկետից ուշ կամ բացված տեսքով կամ այլ կերպ վնասված ստանալու համար:

3.4 Հրապարակային մրցույթին վերաբերող բոլոր փաստաթղթերը կազմվում են հայերեն, անգլերեն կամ ռուսերեն լեզուներով:

3.5 Մրցույթի մասնակիցները մինչև մրցույթի հայտերը բացման ժամկետը, կարող են փոփոխել կամ հետ վերցնել հայտերը (հրաժարվել մրցույթին մասնակցելուց): Մրցույթի հայտի փոփոխությունը կատարվում է սույն Հրավերով հայտ ներկայացնելու համար նախատեսված կարգով՝ համապատասխան ծրարի վրա ավելացնելով “փոփոխում” բառը: Մրցույթին մասնակցելուց հրաժարվելու դեպքում այդ մասին ծանուցումը կարող է ուղարկվել նամակով կամ ֆաքսով:

#### **4. ՄՐՑՈՒՅԹԻ ՀԱՅՏԵՐԻ ԸՆԴՈՒՆՄԱՆ, ԲԱՑՄԱՆ ԵՎ ԱՐԴՅՈՒՆՔՆԵՐԻ ԱՄՓՈՓՄԱՆ ՕՐԸ, ՎԱՅՐԸ ԵՎ ԺԱՄԸ**

4.1 Մրցութային հայտերի ընդունման վերջին ժամկետը՝ 2019թ. նոյեմբերի 18-ին, ժամը 16:00: Բոլոր հրավիրված մասնակիցներից ստացված համաձայնության դեպքում Մրցութային հայտերը ստանալուց հետո Կազմակերպիչը, կարող է տեղափոխել հայտերի բացման օրը:

4.2 Մրցույթի հայտերի բացումը կկատարվի մրցույթի հանձնաժողովի նիստում՝ 2019թ. նոյեմբերի 21-ին ժամը 16-00 ք.Երևան, Վ. Սարգսյան 6 հասցեում:

4.3 Մրցույթի արդյունքների ամփոփման նիստը հրավիրվում է 2019թ. նոյեմբերի 28-ին ժամը 16-00:

4.4 Մրցութային հանձնաժողովը մրցույթի հայտերի բացման օրը մրցույթի մասնակիցների ներկայացրած հայտերի ուսումնասիրությունից հետո կարող է փոփոխել հրավերով նախատեսված մրցույթի հայտերի ամփոփման օրը և ժամը, դրա մասին ծանուցելով մասնակիցներին:

#### **5. ՀՐԱՎԵՐՈՒՄ ՓՈՓՈԽՈՒԹՅՈՒՆՆԵՐ ԵՎ ԼՐԱՑՈՒՄՆԵՐ ԿԱՏԱՐԵԼԸ**

5.1 Մրցույթի պայմաններում, ինչպես նաև Մրցույթի հայտերը բացելու օրվա և ժամի վերաբերյալ փոփոխություններ կատարելու անհրաժեշտության դեպքում Կազմակերպիչը կատարում է համապատասխան փոփոխություններ և (կամ) լրացումներ Հրավերի մեջ և այդ մասին տեղեկացվում են Հրավերը ստացած Մասնակիցները:

5.2 Հրավերի փոփոխությամբ թույլատրվում է կատարել ցանկացած լրացում, եթե դրանով չեն փոփոխվում մրցույթի մասին Հրավերի մեջ նշված էական պայմանները Կազմակերպիչը Հրավերի փոփոխության դեպքում չի կրում Մասնակիցների կողմից կրած վնասների ռիսկը:

#### **6. ՄՐՑՈՒՅԹԻ ՄԱՍՆԱԿԻՑՆԵՐԻ ՈՐԱԿԱՎՈՐՄԱՆ ՉԱՓԱՆԻՇՆԵՐԸ**

6.1 Հրապարակային մրցույթին մասնակցող Մասնակիցը պետք է բավարարի սույն կետով սահմանված որակավորման ներքոհիշյալ չափանիշներին՝

Մասնակիցը.

ա) չպետք է դատական կարգով լինի անվճարունակ ճանաչված, չպետք է գտնվի լուծարման գործընթացում, չպետք է արգելանքի տակ ունենա պայմանագրի կատարման համար հայտով ներկայացված գույք.

բ) չպետք է մրցույթի հայտը ներկայացնելու օրվան նախորդող հաշվետու ժամանակաշրջանի վերջին օրվա դրությամբ ունենա ժամկետանց պարտքեր՝ Հայաստանի Հանրապետության հարկային և պարտադիր սոցիալական ապահովագրության վճարների գծով.

գ) կամ նրա ղեկավար մարմնի ներկայացուցիչը հայտը ներկայացնելու պահին նախորդող երեք տարիների ընթացքում չպետք է՝

1) դատապարտված լինի տնտեսական գործունեության կամ պետական ծառայության դեմ ուղղված հանցագործության համար, բացառությամբ այն դեպքերի, երբ դատվածությունը օրենքով սահմանված կարգով հանված կամ մարված է,

2) գնման պայմանագիր կնքելու նպատակով ներկայացրած լինի կեղծ տվյալներ,

6.2 որակավորման հատկանիշների մասին տվյալները չեն համապատասխանում սույն հրավերի

6.1 կետով սահմանված չափանիշներին:

## **7. ՀՐԱՊԱՐԱԿԱՅԻՆ ՄՐՑՈՒՅԹԻՆ ՄԱՍՆԱԿՑԵԼՈՒ ՆԱԽԱՎՃԱՐԻ ՉԱՓԸ, ՎՃԱՐԵԼՈՒ ԿԱՐԳԸ**

7.1 Մասնակիցը, մրցույթին մասնակցելու համար կատարում է նախավճարի մուծում, որի չափը կազմում է 80.000 ՀՀ դրամ:

7.2 Մասնակիցն իրավունք ունի, մինչև մրցույթի հայտը ներկայացնելը, պահանջել հաստատելու մրցույթի համար վճարված նախավճարի ընդունված լինելու հանգամանքը, որին կպատասխանվի նման հարցում ստանալուց երեք աշխատանքային օրվա ընթացքում:

7.3 Մրցույթի նախավճարը ներկայացնելու դեպքում այն անհրաժեշտ է փոխանցել ՀՀ կենտրոնական բանկի N103001702119 հաշվին, իսկ վճարումը հավաստող փաստաթուղթը ներկայացնել մրցույթի հայտի երկրորդ ծրարով:

7.4 Մրցույթի նախավճարը չի վերադարձվում և այն գանձվում է հօգուտ Կենտրոնական բանկի, եթե այն ներկայացնողը հայտարարվել է ընտրված մասնակից, սակայն հրաժարվում կամ սույն հրավերի 9.3 կետի համաձայն զրկվում է գնման պայմանագիր ստորագրելու իրավունքից:

7.5 Բացառությամբ սույն բաժնի 7.4-րդ կետում նշված դեպքերի, մրցույթի նախավճարը գնման պայմանագիրը կնքվելուց, իսկ մրցույթը չկայացած հայտարարվելուց կամ մրցույթի հայտը մերժվելու պահից հինգ աշխատանքային օրվա ընթացքում վերադարձվում է այն ներկայացնողին:

## **8. ՄՐՑՈՒՅԹԻ ՓԱՍՏԱԹՂԹԵՐԻ ՎԵՐԱԲԵՐՅԱԼ ՊԱՐԶԱԲԱՆՈՒՄՆԵՐ ՍՏԱՆԱԼՈՒ ԿԱՐԳԸ, ՏԵՂԵԿՈՒԹՅՈՒՆՆԵՐ՝ ՄԱՍՆԱԿԻՑՆԵՐԻ ՀԵՏ ԿԱԶՄԱԿԵՐՊՎԵԼԻՔ ՀԱՆԴԻՊՈՒՄՆԵՐԻ ՄԱՍԻՆ**

8.1 Մասնակիցն իրավունք ունի Կազմակերպչից պահանջել մրցույթի Հրավերի պարզաբանում: Սույն Հրավերի վերաբերյալ պարզաբանումներ ստանալու համար Մասնակիցը կարող է դիմել Կազմակերպչին: Այդպիսի պարզաբանումների պահանջները կարող են ներկայացվել ոչ ուշ, քան մրցույթի հայտերի ընդունման վերջնաժամկետը լրանալուց առնվազն հինգ աշխատանքային օր առաջ:

8.2 Կազմակերպիչը պարզաբանումը տրամադրում է հարցումը ստանալու օրվանից երեք աշխատանքային օրվա ընթացքում:

8.3 Պարզաբանում չի տրամադրվում, եթե հարցումը կատարվել է սույն հրավերի 8.1 կետով սահմանված ժամկետի խախտմամբ, ինչպես նաև, եթե հարցումը դուրս է մրցույթի հրավերի բովանդակության շրջանակից:

## **9. ՊԱՅՄԱՆԱԳՐԻ ԿՆՔՈՒՄԸ**

9.1 Մրցույթի հանձնաժողովի որոշման հիման վրա Կազմակերպիչը ընտրված մասնակցի հետ կնքում է գնման պայմանագիր: Պայմանագիրը կնքվում է գրավոր՝ մեկ փաստաթուղթ կազմելու միջոցով:

9.2 Ընտրված մասնակիցը հայտարարվելուց հետո, հինգ աշխատանքային օրվա ընթացքում Կազմակերպիչը ծանուցում է ընտրված մասնակցին՝ ներկայացնելով գնման պայմանագիր կնքելու առաջարկը և գնման պայմանագրի նախագիծը:

9.3 Եթե ընտրված մասնակիցը պայմանագիր կնքելու մասին ծանուցումը և գնման պայմանագրի նախագիծը ստանալուց հետո հինգ աշխատանքային օրվա ընթացքում չի ստորագրում գնման պայմանագիրը, ապա նա զրկվում է գնման պայմանագիրը ստորագրելու իրավունքից: Այդ դեպքում Կազմակերպիչը գնման պայմանագիր կնքելու առաջարկ է ներկայացնում մրցույթում երկրորդ, իսկ վերջինիս կողմից առաջարկը չընդունվելու դեպքում՝ երրորդ տեղը զբաղեցրած Մասնակցին: Պայմանագիր կնքելու առաջարկ ստացած, սակայն պայմանագիրը ստորագրելուց հրաժարված Մասնակիցը զրկվում է մրցույթի հայտի և պայմանագրի կնքման ապահովումը հետ ստանալու իրավունքից:

## **10. ՄՐՑՈՒՅԹԻ ՉԿԱՅԱՑԱԾ ՀԱՅՏԱՐԱՐԵԼԸ**

10.1 Մրցութային հանձնաժողովը մրցույթը չկայացած է հայտարարում, եթե՝

- ա) հայտերից ոչ մեկը չի համապատասխանում Հրավերի պայմաններին.
- բ) ոչ մի հայտ չի ներկայացվել.
- գ) մասնակիցների առաջարկած պայմանները մրցութային հանձնաժողովի եզրակացությամբ չեն ապահովում սույն Հրավերով նախատեսված ծառայությունների մատուցման պայմանները.
- դ) մրցույթի արդյունքում գնման պայմանագիր չի կնքվում:

10.2 Մրցույթը չկայացած հայտարարվելուց հետո արգելվում է բացել չբացված հայտերը, որոնք վերադարձվում են Մասնակիցներին:

10.3 Մրցույթը չկայացած հայտարարվելուց հետո հրապարակվում է հայտարարություն՝ նշելով մրցույթը չկայացած հայտարարվելու հիմնավորումը:

## **11. ԳՆՄԱՆ ԳՈՐԾԸՆԹԱՑԻ ՀԵՏ ԿԱՊՎԱԾ ԳՈՐԾՈՂՈՒԹՅՈՒՆՆԵՐԸ և (ԿԱՄ) ԸՆԴՈՒՆՎԱԾ ՈՐՈՇՈՒՄՆԵՐԸ ԲՈՂՈՔԱՐԿԵԼՈՒ ՄԱՍՆԱԿՑԻ ԻՐԱՎՈՒՆՔԸ և ԿԱՐԳԸ**

11.1 Յուրաքանչյուր անձ ունի բողոքարկման իրավունք, եթե հայտարարում է, որ Կազմակերպչի մրցութային հանձնաժողովի գործողությունների հետևանքով կրել է կամ կարող է կրել վնասներ:

11.2 Յուրաքանչյուր անձ իրավունք ունի՝

- ա) բողոքարկել Կազմակերպչի մրցութային հանձնաժողովի գործողությունները ՀՀ կենտրոնական բանկի խորհրդին.
- բ) դատական կարգով բողոքարկել Կազմակերպչի մրցութային հանձնաժողովի գործողությունները:

## Հավելված 1

<b>N</b>	<b>Անվանում</b>	<b>քանակ</b>	<b>Ուղեկցման ժամանակահատված</b>
1	MATLAB Individual, ուղեկցում	14	2019թ. դեկտեմբերի 31-ից մինչև 2021թ. դեկտեմբերի 31
2	MATLAB Optimization Toolbox Individual, ուղեկցում	14	2019թ. դեկտեմբերի 31-ից մինչև 2021թ. դեկտեմբերի 31
3	MATLAB Report Generator Individual, ուղեկցում	2	2019թ. դեկտեմբերի 31-ից մինչև 2021թ. դեկտեմբերի 31
4	MATLAB Database Toolbox Individual, ուղեկցում	2	2019թ. դեկտեմբերի 31-ից մինչև 2021թ. դեկտեմբերի 31

Շահագործվող արտոնագրերի տվյալները (արտադրող՝ Mathworks ընկերություն)

Master License: 31236194

Licenses: 40766267, 40766266, 40766265, 40766264, 40766263, 40766262, 40766261,  
40766260, 40766259, 40766258, 40766257, 40766256, 40573869, 40573868,